

# Il mas-chalch da Sent



Publicaziuns officialas. Cumpara seguond bsögn.  
2001/2002  
no. 24

7554 Sent, 19 settember 2002 /rz

## Radunanza extraordinaria dal Ütil Public

La radunanza es gnüda fixada sün **venderdi, 4 october 2002** a las 20.15 a l'hotel Rezia.

### Tractandas:

1. Acquist da la tea "Prümaran Prà S. Flurin"
2. Varia

### La suprastanza

## Festa da la raccolta

Chi less demuossar ch'El saja grà per la buna raccolta? **Sonda, 19 october 2002** vers las 13.00 orneschan il comitè da la Corporaziun evangelica la baselgia. Tuot chi chi po portar alch frütta, verdüra o fluors da üert es fich bainvis.

Sperond sün üna gronda partecipaziun As salüda

### Il comitè da baselgia

## Lavur cun uffants

Chi vess interess da far minchatant alch cun uffants (o eir giuvens)? Per exaimpel giovar, quintar, zambriar, cuschinar, giovar teaterin, o far üna jada alch our il liber o amo tuot alch oter...

Annunzchas piglian gugent incunter duonna Seraina Valentin (tel. 081 864 87 49) e rav. Jörg Büchel (tel. 081 864 87 28).

### La pravenda

## Attenziun

Nus giavüschain a tuot ils possessurs da chasas ed abitaziuns chi dan a fit quellas per tuot an ad esters na domiciliats a Sent, dad annunzchar quai al büro da trafic. Implü sto mincha fittadin dar aint la grondezza da las abitaziuns fin il plü tard als **31 october 2002**. Grazcha fich per Voss sustegn.

### La società da trafic e'l Cumün da Sent

## Avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal. Il Cumün as resalva il dret da far controllas da las indicaziuns.

----- Tagliar

## Indicaziun – ura da l'aua 2002

Stadi da l'ura da l'aua: ..... als .....

Chasa no. .... Possessur: .....

Quist fögl po gnir büttà aint illa chartera dal Cumün pro l'entrada da la chasa cumünala.

## Da dar a fit

a Sent a partir da subit o tenor cunvegna ün studio. Fit al mais fr. 750.--.

Annunzchas piglia gugent incunter: Lischana Fiduziari, Scuol, tel.: 081/864 15 00.

## Ballarait per homens

A partir da **subit** ans chattaina mincha **venderdi a las 20.30, in chasa da scoula** per giovar a ballarait.  
Partecipants novs sun fich bainvis.

**Christian Poo**

### **Liber da far romma**

A partir da **subit** esa liber da far romma pro'l seguaint tagl: Chavriz Grond sur la via (tagl da prümavaira).  
Il tagl actual a Chavriz Grond es amo serrà our da motivs da sgürezza.  
Per plaschair rumir l'ultim la fruonzla e filfiers our da las vias.

### **Tscherchè da tour a fit**

Tscherchè da tour a fit a Sent, abitaziun da 3 \_-stanzas cun balcon o üert. Subit o tenor cunvegna.  
Annunzchas piglia gugent incunter: Nicolo Roner, tel.: 081 / 864 01 54.

### **Avis da duonna dr.med. Iris Zürcher**

La pratcha resta serrada da sonda, ils 14 settember 2002 fin dumengia, ils 29 settember 2002 causa cuors.  
In cas urgiants dà il nomer da telefon **144** cuntshaint che meidi da chasa chi ha piket.

### **Mitteilung von Frau Dr.med. Iris Zürcher**

Die Arztpraxis bleibt von Samstag, 14. September 2002 bis Sonntag, 29. September 2002 wegen Fortbildung geschlossen. In dringenden Fällen erfahren Sie über die Notfall-Nr. **144**, die Telefonnummer des diensthabenden Arztes.

### **S-chargiada d'alp 2002**

In sonda, 28 settember 2002, a partir da las 10.30, ha lö in Plaz la schelpcha cun vendita da chaschöl d'alp ed ustaria. Intuorn las 14.00 tuorman las vachas d'alp. Amiaivelmaing invidan

**las pauras e'ls paurs da Sent**